

RADOVI PRI KRAJU

Kao što se vidi, radovi na našem spomen-obilježju su pri kraju. Baš na 1. maj organizovana je radna akcija uredjenja platoa, odnosno mehkog pojasa na džamijskom placu, kako bi sve bilo spremno do 23. maja, kada je planirano zvanično otkrivanje spomen-ploče. Odazvali su se mnogi Grbavčani, svih generacija, i oni koji su za praznike došli iz dijaspore, tako da je planirano brzo i obavljeno.



Drugog dana nabavljeno je sezonsko cvijeće koje je i posadjeno u prostoru predviđenom za to. Stručnu pomoc u ovom dijelu dao je Fadil Berbic, poznati grbavacki moler, koji sada radi na poslovima uredjenja hortikulture i ima dosta iskustva u rasporedjivanju boja. U ovoj akciji ucestvovalo je nekoliko vrijednih grbavackih domacica, tako da je i ovaj dio posla završen.



Narednih dana ce se posaditi i nekoliko stabala cempresa, postaviti jarboli, lanci i klupe za sjedenje. Uveliko teku pripreme za manifestaciju zvaničnog otkrivanja obilježja. Zna se da ce u petak 22. maja, između akšama i jacije, u našoj džamiji biti proučen tevhid grbavackim šehidima i održan prigodan vaz, a glavni program je u subotu 23. maja, uz očekuje se, veliki broj prisutnih.